



Publicaziuns dalla vischnaunca, jamna 8

Damondas da baghegiar

Datum da publicaziun: ils 22 da fevrer 2013

Nr. 2013-1006.000

Il patrun: Vischnaunca Disentis/Mustér Via Cons 2, 7180 Disentis/Mustér, e Corporaziun d'aua spina da fin 7180 Disentis/Mustér

Il representant: Biro d'inschignier Iso Mazzetta Via Principala 125, 7166 Trun

Object: Renovaziun dalla deflusiun a Sontget, Chischliun e Scaletta ed adattaziuns vid la lingia pil provediment d'aua a Scaletta, parcelas 900, 902, 910, 911, 914, 915, 930, 931, 932, 934, 971, 993, 1005, 2294, 2295, 2297, 2501, 2894, 2895, a Sontget, Chischliun e Scaletta, 7180 Disentis/Mustér

Datum da publicaziun: ils 22 da fevrer 2013

Nr. 2013-1010

Il patrun: Schweizer Reisekasse (Reka) Neuengasse 15, 3001 Bern

Il representant: Hanno Wyss, Steiner Sarnen Schweiz Pilatusstrasse 18, 6060 Sarnen

Object: Construcziun d'ina nova piazza da giug, parcella 2292, Via Plauns 12, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/ Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 18-2-2013

Uffeci da baghegiar Disentis/Mustér

Votaziun federalas, cantunalas e communalas

L'urna principala en casa communal ei aviarta sco suonda:

Sonda, ils 2-3-2013, 18.30–19.30

Dumengia, ils 3-3-2013, 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, igl 1. da mars 2013 allas 17.00** tier l'administraziun communal (tel. 081 920 36 36).

Levgiament da votar

Mintga votant(a) ha la pussevividad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar **suttascret** en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (**supplicau da francar**) ni directamein fierer en la scaffa da brevs dalla casa communal.

Ils cedels da votar ston esser sil pli tard la sonda, ils 2 da mars 2013 allas 12.00 tier l'administraziun communal. Il certificat dil dretg da votar ei da suttascriber. **Senza Vossa suttascripziun cun agen maun ei la votaziun nunvaleivla.**

Suprastonza communal Disentis/Mustér



Votaziuns communalas dils 3 da mars 2013

Las votaziuns communalas dils 3 da mars 2013 leventan grondas discussiuns ed ils votants survegnan numerusas informaziuns.

Per prevegnir a malcapientschas supplichein nus Vus da consultar il messadi official che Vus haveis retschert culs documents da votar.

Suprastonza communalala

Taglia da tgauns 2013

Naven d'immediat **entochen la fin fevrer 2013** san las marcas da tgauns vegnir retratgas tier l'administraziun communalala.

La taglia da tgauns munta pigl'emprems tgaun frs. 120.–, per mintg'ulteriur tgaun ella casada frs. 180.– per onn.

Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinas, per tschocs e suords ein deliberai dalla taglia, ston denton purtar la marca da tgauns. Nus supplichein da comunicar all'administraziun communalala midadas, q.v.d. tals che han retratg 2012 ina marca da tgauns ed han **buca pli il tgaun, ni novs possessurs da tgauns.**

Naven dils 1-1-2007 ston tuts tgauns esser marcai cun in microchip ni cun ina tetovaziun bein veseivla. Il tgaun sto era esser registraus tier la Animal Identity Service AG (Anis), Berna. Nus supplichein tut ils possessurs da tgauns da risguardar quellas prescripziuns. Plinavon fagein nus attents Vus sin suandontas prescripziuns:

Cuors da tgauns – cuors obligatori

Cuors teoretic, artechel 68 alinea 1, ordinaziun davart la protecziun d'animals

Tgi che ha aunc mai possediù in tgaun ei obligaus d'absolver il cuors teoretic avon che cumprar in tgaun. Quei vala per mintga possessur da tgauns che sa buca demussar ch'el ha gia possediù in tgaun avon ils 1-9-2008.

Cuors practic, artechel 68 alinea 2, ordinaziun davart la protecziun d'animals

Enteifer igl'emprems onn da cumpra sto mintga possessur cumprovar il mussament dil cuors practic. Quei vala per mintga tgaun che vegn ni ei gia vegnius cumpraus suenter ils 1-9-2008. Quei cuors sto vegnir absolvius cun mintga niev tgaun.

Igl attest dil cuors sto vegnir presentaus tier la retratga dalla marca da tgauns per igl onn 2013.

Ulteriuras informaziuns anfleis Vus sut www.bvet.admin.ch ni sut www.fludog.ch.

Administraziun communalala Disentis/Mustér



Controlla da habitonts

Mortoris

Josef Furger-Flepp, naschius ils 14-1-1917, morts ils 14-2-2013.

Gada Fry-Manetsch, naschida ils 21-12-1927, morta ils 14-2-2013.

Pader Lukas Heim, naschius ils 19-10-1920, morts ils 18-2-2013.

Apparats d'udida

Gliendisdis, ils 25 da fevrer 2013 saveis Vus schar schubergiar e regular Vies apparat d'udida el Center da sanadad Sursassiala SA a Muster che sesanfla en claustra ed a Curaglia. A Muster ei il liug signalisau:

a Muster naven dallas 14.00 tochen ca. las 15.15

a Curaglia naven dallas 15.30 tochen ca. las 16.30

L'uniun Pro Audito Chur, cun Arthur Jacomet fa quei survetsch per tuts interessents gratuitamein.

Cordial invit

Center da sanadad Sursassiala SA

Preavis: Center sursilvan d'agricultura Ghirlandas e decoraziuns da primavera

Florista Cornelia Berther-Oberholzer dat in cuors da crear ghirlandas e decoraziuns da primavera.

Datum: mesjamna, ils 20 da mars 2013

Temps: 20.00–22.00

Liug: Center sursilvan d'agricultura Via Lucmagn 31, 7180 Disentis/Mustér

Annunzias ed informaziuns: Annunziar entochen ils **9 da mars 2013** tier Cornelia Berther-Oberholzer, 7189 Rueras, tel. 081 949 13 74, e-mail: baseli.berther@kns.ch, www.agricultura.ch.

Voranzeige: Center sursilvan d'agricultura Girlanden und Frühlingsdekorationen

Floristin Cornelia Berther-Oberholzer führt den Kurs Girlanden und Frühlingsdekorationen durch.

Datum: Mittwoch, 20. März 2013

Zeit: 20.00–22.00 Uhr

Ort: Center sursilvan d'agricultura Via Lucmagn 31, 7180 Disentis/Muster

Anmeldungen und Informationen: Anmelden bis **9. März 2013** bei Cornelia Berther-Oberholzer, 7189 Rueras, Tel. 081 949 13 74, E-Mail: baseli.berther@kns.ch, www.agricultura.ch.

Secziun da catschadurs Péz Alpetta Radunonza generala

Venderdis, igl 1. da mars allas 20.15 el hotel «Alpsu».



Uniun da dunnas Mustér

L'uniun da dunnas Mustér organisescha il suandont cuors: **Cuschinar cun Tupperware (ultra plus)**

Menadra: Daniela Hunger
Liug: Cuschina casa da scola Cons, Mustér
Temps: 19.00
Datum: Mesjamna, ils 13 da mars 2013

Las annunzias pren bugen encunter tochen ils **5-3-2013**:
Sigrid Loretz, tel. 081 947 40 29.

Preavis fiera da resti d'affons a Mustér

Venderdis, ils 22-3-2013 dallas 19.00–21.00
Sonda, ils 23-3-2013 dallas 9.00–10.30

Ulteriuras informaziuns suondan.

Club da tennis Mustér Invit alla radunonza generala

**Sonda, ils 2 da mars 2013 allas 18.00 ella caffetteria dil center da sport e cultura Mustér.
Gliesta da tractandas:**

1. Beinvegni
2. Elecziun dumbravuschs
3. Protocol dalla radunonza generala
dils 3 da mars 2012
4. Rapports:
 - president
 - interclub
 - meinaturnier
 - juniors
5. Quen 2012 e rapport dils revisurs
6. Contribuziuns annualas
7. Budget 2013
8. Entradas/extradas
9. Elecziuns:
 - president
 - actuar
 - cau d'interclub
 - cau da juniors
 - cau da material
 - meinaturnier
 - 1 revisur(a) da quen
10. Program da stad
11. Varia

Cordialmein envida *Club da tennis Mustér*
la suprastonza